

有正味齋詩集

有正味齋詩集卷十一目錄

錢塘 吳錫麒 聖徵

重夢集下

春雪二首

吳越錢忠懿王金塗塔拓木潭溪前輩屬題三十二韻

閏二月二十八日孫如淵比部招同毛海客大瀛張亥

白問安船山昆季王鐵夫芭孫徐心田明理徐朗齋

集櫻桃傳舍船山卽席爲圖并題詩其上余次其韻

題王香圃唐書讀書秋樹根圖

題張玄白孝廉海天秋泛圖

同劉芙初嗣緒倪米樓栢孫游積水潭

秦節婦詩

題郭頻伽唐水村圖三首

蒿燈曲和王詩亭給諫

鬪蟬限豪字

墻下種秋花口占三絕

同人重游積水潭四首

宋芝山仿米家山水

八月十四日查小山有折招同人載酒出右安門至草

橋飲于丁氏野圃八首

哭倪小迂表弟

陳肖生嵩招同余秋室宮允集家山尊孝廉蘇張亥白

船山昆季集筆華墨雪之軒

九月一日甘西園侍御立飲招賞盆桂

崔青蚓洛神圖

九日同葑亭蘭圃亥白船山小山關鶴舟甥

世勳重集

丁氏野圃以菊花須插滿頭歸分韻得插字

題戴春塘訪秋圖二首

李墨莊新葺書齋題曰愛日吾廬索詩

送郭頻伽下第南歸

送窮圖爲張船山作

題元人水村圖二首

朱葑齋孝廉

榮朝

望嶽樓圖

醉司命辭分得三言體

除夕前一日船山招集懷人書屋祭詩二首

老友謝陸瞻

廷變

來京赴千叟宴於其歸也賦詩爲別

雨中退直

慈雲寺後尋宮人斜故趾

澄懷園消夏雜詩十首

陳肖生畫梅歌

十國春秋小樂府

吳

南唐

前蜀

後蜀

南漢

楚

吳越

閩

荆南

北漢

小雪後一日雪後陳伯恭同年招集井養齋同用壁間

東坡武昌西山詩韻

題時帆祭酒

法式善

雪窗課讀圖

雪

對月二首

有正味齋詩集卷十一

錢塘 吳錫麒 聖徵

重夢集下

春雪二首

滿眼楊花急寥空雁影稀寒光澄遠映暝色人斜飛土銜宵添  
火茅齋晝掩扉相思故園侶沽酒趁蓑衣  
老鬢已如此東風殊可憐愁過花信裏夢失草痕邊關塞塵沙  
雜江湖霧雨連早看驢背倦寂寞袖吟鞭

吳越錢忠懿王金塗塔拓本覃溪前輩屬題三十二韻

吳越當年事杭人易感吾券文迷鐵繡塔製辨金塗渺渺經手  
載稜稜判八觚寶光騰煜燦翠墨拓模糊捫覺鬢雲濕披同貝  
葉腴法輪尊阿育梵像變休屠活畫婆心熱生開佛面癯人天

驚慘淡鷹虎伺剗卽物呈諸相觀空悟此軀坐來雙樹淨禮  
罷一燈孤日下催新咏錢塘夢舊湖王家宏夙願沙量紀浮圖  
匝地神爲守同時日可摸莊嚴分種種輕重等銖銖象教慈悲  
託龍宮富貴俱能將刀放下肯有賦迫呼長養菩提子圓成舍  
利珠綵繩留後驗錦樹換前模民懼干戈及君先版宇輸宰官  
身偶現菩薩力相扶北闕恩誠渥西方證不殊山河餘幻影宮  
殿付荒蕪綺陌歌全歇銅仙淚亦枯斜陽紛瓦礫好事起菰蘆  
諦演傳衣侶談徵考古徒楊枝先漱齒芋火共圍爐詎比黃妃  
卓常供白石娑婆畱稱或誤顯德據非誣記可憇山續文經秀  
水摹問年仍乙卯塔身題德乙卯造至今年乙卯  
蓋七千五百八十四甲子矣閱世只須更花雨飛空  
有潮音入耳無皈心功德海合十誦南膜

閏二月二十八日孫淵如比部招同毛海客

大瀛張亥



白問安船山昆季王鐵夫

邑孫

徐心田

明理

徐朗齋

嵩

集櫻桃傳舍船山卽席爲圖并題詩其上余次其韻

小院櫻桃記昔栽

地舊爲歌者陳郎所居

先生今日又尊開颯空風雨驚飛

弩八畫江山付點苔前事不堪因酒說此花曾折下階來一番

春絮催離緒莫認西天雪作堆

時聽海客談征郭爾客事

題王香圃

磨書

讀書秋樹根圖

似可吟唔聽相尋秋色中好書吾眼豁老樹此心空苔坐不知  
冷葉翻微有風月來高頂易太息待吟蛩

題張亥白孝廉海天秋泛圖

甘諸龍眼將安求海南學作東坡游扶胥渡口挂帆去射狼山

下西風留歸來乞圖何王子

數

落筆已得胸中秋茸茸有樹點

有葉簇簇者沙界者洲其策傍岸船早泊其西接海天俱浮天

將盡處畫不了劃開海色當中流潮來四面風助勢蛟龍與客  
同清謳笙鐘雜沓鱗甲動日月晃濛羲娥愁蓬萊一夢咫尺耳  
笑視天地吾猶鷗卽今五年行萬里寒青壓素濕未收霞梭欲  
換蛟女錦雲幙尙認仙人樓桃柳葉銘定能記王子木杖誰當  
酬長安風雨談不厭夜起翦燈呼子由

謂船山

同劉芙初

嗣緒

倪米樓

和孫

游積水潭

壞牆三面缺短徑一條斜新水長荷葉積陰開薜花無人分野  
席此地合漁家便約涼簞折還煩濁酒賒

秦節婦詩

寒飈健寡鵠朔雪榮女貞所挾金石志終古相拄撐十一學織  
素十二解作羹十三善縫裳手線縱復橫貧家少塗澤窈窕面  
發望生小孰教誨舉動禮意盈自門門戶微敢望百兩迎十四

爲小婦婉婉供使令大婦久病牀井日勞經營但得良人心何  
惜我力并良人我所天忽忽病復櫻但贖良人身何惜我命傾  
顧影那得傍天平忍斃斃三載到君家有女啼嚶嚶嗚呼一塊  
肉痛絕使我生奈何述遺命不達區區誠東家有嬌雌宿淚未  
拭晴朝聞媒作合暮聽笙歌聲西舍有發婦履箱奴子擎銜嫁  
苦不售一夕身自呈禮意苟有譽人禽競飛鳴生死無苦樂所  
重正路行殉身妾之志悔禍天之情誰知千鈞繫正仗一髮繫  
明年大婦卒身請爲程嬰婦兒我主見我女之所兄有女任匪  
重有兒責不輕哀哀樞在堂慘慘書在楹斜陽下學天候兒返  
柴荆願兒能力學願兒早知名家貧類我家有困當有亭十一  
學織素不顧天欲明于今寡女機夜窗伴書檠十二解作羹不  
羨魚可烹于今巧婦炊隻手撈空鐺十三善縫裳不喜刺作精

于今補衲褐天吳倒蓬瀛食茶已如齋食藥還如錫艱難四十年兒大女又甥可憐眼欲枯得見婚嫁成婚嫁尙瑣瑣努力營先塋松楸生異色鬱鬱完佳城只此十指血竟敵千人英柔姿本葛藟上踐膠木盟遂登輶軒采遂受

朝廷旌閭應表行義臺應築懷清太湖洩可竭君山刻可平卓哉節婦節日月垂光晶我詩欲附傳愧非瑤與瓊反覆作苦語風雨酸三更

題郭頰伽驛水村圖三首

天暝漁唱生鷺鷥飛上樹船自前村來還繞後村去

青蘆低處曉雨黃葉明邊夕陽繞屋須添修竹轉灣先識垂楊魚苗種罷插秧回鰕籠收時踏浪來畫裏煙波塵裏夢此身愁

被白鷗猜

蒿燈曲和王荇亭給諫

明明滅滅星不稀閃閃爍爍螢亂飛蓬蒿作柱香作焰照見霹  
荔牆頭衣一兒肩負循牆走羣兒各出爭先後不愁圓月落雲  
端只怕尖風生鬼口酸文正唱人間哀踏燈彷彿靈之來蒼茫  
十里陰火合紙錢捲入團團灰一年一放光明好故鬼漸稀新  
鬼老荒郊苦欲化燐歸身是髑髏眼中草兒童狡獪掌拓工凌  
空旋轉搖虛紅尸陀畫出拔河歲冥伯舞上高竿風螭花旁颯  
新荷葉蕩漾明珠光又接直到三更露氣迷滿地白煙寒帖帖  
香光零落漏聲殘人鬼分途去渺漫樂府更聽蒿里奏秋墳還  
守漆燈看

鬪蟋蟀限豪字

仙蟲傳舊社壇坵亦爭高殺氣乘時旺童心爲爾豪跳身行趨

擢側耳聽嘍嘍籬落燈煩喚牆根鏹自操選材從瓦礫得意出  
蓬蒿休沐冰甃託傳餐雪粒叨介雞差類季相馬幸逢臬剋日  
分朋局連檣聚客艘戎真由戲召力欲與秋塵未奏中軍鼓偏  
麾上將旄人誇虓似虎公請嗾夫葵勇敢先聲奪仇讎狹路遭  
登臺看搏噬橫草策勲勞取勢斜張翼如神憤運尻漫云姑剪  
滅祇恐後號咷再上徒懸布三周竟伏螻蛄全塞失蠻觸一  
軍逃知己甘酌死成功合受褒牙鬚矜此輩機械感吾曹蛙怒  
終何益螳撐那不撓錦標爭目眩金注擲波濤萬古雌雄判餘  
生日月滔寒衣催迫促落葉送蕭騷葛嶺斜陽在西風首屢搔

牆下種秋花口占三絕

園丁貪釋賣花肩送與秋花值百錢紅穗碧花都種了清吟先

結草蟲緣

上番新栽竹幾枝  
梢梢葉葉弄風姿  
涼花借與相偎傍  
翠袖紅襟露下時

虛棚纔捲透天光  
浴罷絺衣立晚涼  
照得一叢深色異  
近牆匡處有斜陽

同人重游積水潭四首

短垣斜轉徑通幽  
老樹如油綠上頭  
纔得西風吹幾度  
蠅聲忽報十分秋

關于曾與故人期  
可惜重來我已遲  
風葉披披喧不定  
一花涼到退紅時

煙寫青林分外寬  
飛來片雪不知寒  
鷲絲最是風標好  
說與詩人仔細看

吳儂鰕菜當生涯  
此地曾聞住釣家  
昨夜收筒風露裏  
一枝折

損水蒨花

地有蝦菜亭故止

宋芝出仿米家山水

淋漓元氣在筆先驅之紙上成雲煙嵐光愈近山愈遠幾朵踈  
透如浮蓮寒苔濛濛點有數雜樹落落枝無全層封疊鎖屢回  
轉直到水口青猶連踈簷落影人不見半壁已暝斜陽天人言  
米法此具足我意且出荆關前大江十日風雨急知有神物來  
蜿蜒波濤負石走昏黑巖壑倒影生清妍武昌樊口幾時生好  
夢忽失篷窗邊追摹風景幸無恙與我觀者皆因緣明年茅屋  
仿圖裏從子榜之書畫船

八月十四日查小山

有圻 招同人載酒出右安門至草

橋飲于丁氏野圃八首

泐懷不覺出城深橋裏人家栳外尋水有三分雲一面菰蒲原



處起秋陰

青荷葉壞荻初花水鴨衝波鷺拍沙若較江南風露裏對溪只欠響魚叉

不見題詩白石仙舊游重到一酸然垂楊似我荒寒甚閱歷西

風二十年

記丁酉秋以寶所構堂南窗  
同爲黃梅之游今二十年矣

戶戶栽花似馬塍叩門花底主人膺酒瓶幾箇支牀穩借與老夫眠可能

宛然大酒肥魚社各具盃觴各主賓占得一方苔最厚緣濛濛地坐詩人

天與吾儕展畫屏放教醉眼望中醒  
瞭鷹臺上多秋色直接西山一路青

園亭何止一莊荒風脚蕭蕭草有光黃蝶不知懷古恨故將金

粉糝斜陽

霜華容易鬢邊催，那不隨時笑口開。  
敗葉一爐煨酒好，重陽風雨亦須來。

哭倪小迂表弟

驛路三千夢不真，紛紛落葉亂蕭晨。  
西風最易催愁鬢，又到秋來哭故人。

難憑玉鯉致相思，酸到心來淚已垂。  
一樣新霜涼意味，橘枝酬

倡少年時

記戊子與小迂約爲詩  
會青橘枝詞兩首之作

哭子詩成痛阿翁，眼花頭白坐書窮。  
禮堂幸有傳人在，寫定先

應付小同

特爲人壽樹先生方應  
目秋小同謂分予米樓

陳肖生

嵩

招同余秋室宮允

集

家山尊孝廉

鼎

張多白

船山昆季集筆華墨雪之軒

津門船到促持螯同巷先教此席叨冷宦光陰宜酒食秋花情  
味在離騷斜飛露脚宵方永恣寫霜蹄氣亦豪老筆但須閒點  
綴楚天彌望碧雲高

希山于酒後畫  
馬秋室畫扇

九月一日甘西園侍御

立

招賞益桂

扶疏宛對小山樹密坐何辭百罰杯香處便疑家已近影邊如  
有月先來能添酒味膏騰醉誰念仙株鄭重栽惆悵廣寒難得  
到覽裳聽罷一徘徊

謂秋闈主  
試諸君

崔青蚓洛神圖

款云甲戌中秋崔子中爲敬哉  
照兒圖後有董香光書丁二行

渺然涉雲水勢若游龍翔清姿結窈窕雅步流瓊璜忽忽縱體  
嬉翩翩桂旗旁靈風展衣肅飄瞥馳神光中流獨延佇要眇誰  
相望所藉微波通恨無良媒將往憐託瓊珮來情眷明璫霞升  
雪迴舞煙墨同飛揚彷彿衆靈集非瀟亦非湘始知道化筆開

合迷陰陽盡禪室何年神渚舉餘芳鉛華亮勿御綽態殊可方  
古人興偶寄冥觸相思長匏瓜嘆無匹從之阻河梁

九日同葑亭蘭圃亥白船山小山暨關鶴丹甥世重集

丁氏野圃以菊花須插滿頭歸分韻得插字

登高例茲辰謀野趣不乏樹頂風乍生草頭露方洽微陰幕張  
油薄冷衣換袂去郭五里長過橋一徑狹寒驢踵後塵活水通  
前牖溪黃被葉擁岸白受蘆夾拍拍羽搖鷗呶呶聲過鴨平生  
慕柴桑此境逼茗雪村居樂蓬茅圃事利鋸鍤其中抱甕人能  
解執花法取肥陳根因芟冗細莖掐辨種同辨苗防蠹似防劫  
開時入市擔餘者繞籬匝千箱足穀翁萬戶封侯業蓑袂幸許  
交塵脚不嫌插霞圍面面當苔坐團團恰安用苛禮拘最喜情  
話狎輪囷蟹選螯緘軟菜挑甲饒舌笑徐咀枯喉快先呷轟飲

大白浮母戰小敵怯英就杯中餐香取頭上壓落帽故事徵題  
糕險韻押感今屢屢遷訪古衣更披柳敗堂寂寥鷹去臺嶮業  
營成累蟻封警過熟羊腴涼蝶徒翩翩吟蛩自鏗搗水調無入  
歌山肩向誰脅幽夢繞江湖閒身閱裘箠斜陽澹半林歸鳥催  
一雲豈本急須摹瘦影幾烏裕

題戴春塘訪秋圖二首

蟋蟀籬根花自開秋山隱隱側肩來酒瓶亂臥斜陽裏已有詩  
人醉幾回

獨行不覺入林幽絳葉翻翻隔水稠忽到殘霞最明處野風吹  
緊一天秋

李墨莊新葺書齋題曰愛吾廬索詩

此廬原偶寄吾愛卽吾廬新月蕩搖酒好風開闔書相思故園

隱自樂青山居定有詩篇寄明年春草初

謂合兒稅  
塘前草

送郭頻伽下第南歸

落葉不可已雁聲寒滿天江南正秋色之子出幽燕風雨長途  
感魚龍極浦眠回頭看楊柳離緒總紛然

送窮圖爲張船山作

柳車班班可以登噉草船拍拍可以凌波濤貧兒村裏久已  
送渠去胡爲面目黧黑又在風塵遭羅家老畫師鬼趣胸中麀  
酒腸芒角不可耐放汝暫出人世相嬉敖但見蒙頭跂足非四  
又非六烟馳霧騁亂舞風飈颺可憐昌黎公首低尻益高殷勤  
致禱祝絮絮還叨叨張公子對之心懨陶攜來示我軸不韜邀  
我題詩詫鬼抽霜臺我張素壁上黑夜慘淡長林號顛倒逞技  
倆謂我柄可操我不能軟語媚爾曹爾莫先笑終號咷家無擔

石蓄蕙氣偏粗豪書城餉我致百牢酒國坐我麾雙旄皎月代  
華燭涼風戛仙斲身披白也宮錦袍珊瑚竿上釣六鼈眼前郭  
廓天地小笑俯爾輩真猿猴不用斫度索桃不用解龍伯絛爾  
如跳梁作妖怪但請試我封經抉史百鍊之神刀不然捉却好  
配新麴醪爲糧便供黃父飽作鮓可解鍾馗饕鬼聞啾啾泣且  
嗥書生作計真難撓不如各擇東家西家逃東家歌舞競絲竹  
西家酒肉騰腥臊銅山金穴有日埋蓬蒿特許我輩結隊同翔  
翱陰寒颯然過白日明亭臯畫中但贖墨迹如牛毛招呼張公  
子同過持霜螯牆匡薛荔吹不盡一卷醉讀騷人騷

題元人水村圖一首

青林初落潮勢紅樹微添醉痕人家多住雲裏好箇江南水村  
舊圖松雪堪仿小印方壺試尋欵識煩題雁字蘆邊吹出秋心

朱葯齋孝廉

東朝

望嶽樓圖

萬壑接冥冥高樓擁畫屏蓮花當戶秀松氣入天青瑤唱偶然  
發玉笙如可聽雲中一招手咫尺昭仙靈

醉司命辭分得三言體

歲告冥景急馳臘鼓奏飭簫吹髻之靈光揚蕤朱衣舉肅若颺  
翩然下顏玉芝薦黃羊清酒釀燭蕊蕊丹沸脂神用享侯吉時  
踞厥觚誰媚之糟爲邱翹爲壘芬之脩展靈祀神奄虞歌醉止  
幄流光神載起垂陰陰茂汝祉臚嬌孫夾媚子技以趨旗繆纏  
狴天門乞利市萬突烟渺雲水

除夕前一日船山招集懷人書屋祭詩二首

一年祭汝一年非且喜朋尊興不違酒味半攙吟味入燭花全  
雜墨花飛鴉塗鼻壘刪曾屢荀束尖尖課豈稀但肯皈心買島



佛何妨今日乞傳衣

墨汁淋漓幾斗俱  
一生心血早愁枯  
有神莫學頭相責  
此會真成尾畢連  
慚愧歸田虛舊約  
尋思摘句寫新圖  
馨香只在齋鹽裏  
五十年來一故吾

老友謝陞瞻

廷慶

來京赴千叟宴於其歸也賦詩爲別

春風故國勸行驂  
日下蒼英喜盍簪  
卅載我曾陪硯北  
一星君已應弧南  
情深憶每童心觸

恩重歸和老輩談  
此後好憑靈壽杖  
真形五嶽按圖探

雨中退直

禁苑烟光重  
冥冥雨暗飛  
春風吹著樹  
寒色近生衣  
膏澤頻相及  
韶華漸不稀  
自公歸最暇  
剪燭更書幃

慈雲寺後尋宮人斜故址

此爲明時  
葬宮人處

吠蛙喚客招提入徑轉牆根陰氣襲古柳通鑄蟲篆明暮花側  
掩蘿帷泣傳聞此地葬官人瘞玉埋香最愴神漠漠灰留千古  
劫茫茫鏡闕一奩春當時新被良家選強步丹階猶緬覲稱體  
紗經淺絳裁承壺淚訝餘紅泣委身從此隸長秋踏草攤錢不  
自由屈膝銅鋪牢閉合守宮麝印在綢繆外家何日承恩澤麗  
色翻嗟投火宅十種楞嚴仙趣稀一條銀漢星期隔石榴剖子  
子多酸黃蘗染衣衣未乾裝學內家纔有樣絲如寡女已愁彈  
催人容貌今非故長信長門春幾度那有黃金賂畫工肯容紅  
葉傳詩句鉛水澆衾夢不成涼風早在殿西生竹枝未許羊車  
引日影難從鴉翼爭初心本爲門楣計惜寵憐私奈何帝素面  
聞封號國城新聲又進延年弟香霧空濛月乍飄清歌唱到洛  
陽橋送聞隔院添龍笛遙想當揮顛鳳翹傷心獨看階萸發閱

歷寒暄忘歲月舊人天寶贖書娥樂府上陽嗟白髮曾憶齋宮  
盛禱祈半空權火望熹微將身願作延年藥當直還披拜斗衣  
有時更換慈寧侍得見九蓮親頂禮苦惱明知已往因慈悲欲  
問西來意亦有恩情往日專一朝失意孰爲憐投竿痛哭前魚  
棄掩篋淒涼故扇捐翻雲覆雨徒延佇警夜提鈴歷酸楚秦苑  
空羈卅六秋唐官誰放三千女骨削香桃瘦可傷玉魚無復液  
生涼言霞室裏辭同伴金粟堆前認故鄉北安門啟靈風颯一  
具銅符倉卒合野火吹回螞蟻墳情絲習住蜘蛛塔年來宿草  
長萋萋迢往中官見亦迷幾褶羅裙飄蛺蝶一盂麥飯欠棠梨  
沙彌導我穿荒綠子夜如聞歌響續往例難援瘞鶴銘舊聞合  
補焚椒錄卽看陵寢亦誰家一樣垂楊有暮鴉十斛冷螢無照  
處瓊花吹上玉鈎斜

澄懷園消夏雜詩十首

蓬萊深處共簪毫休沐

君恩許特叨閒看南風千萬樹半空吹上綠雲高

車馬紛紛那到眼正須來就水邊嬉撈鯪捕鯉快儂意身是江湖踏浪兒

萍面蝦蟆禪子語草根蚱蜢女兒衣南華齊物已能悟獨立晚

風觀化機

昨日前日花尙稀今日花多錦合圍一夜月明人不到雲光水氣擁靈妃

滴滴流泉酒壓曾劇憐風物水窗增藕芽菱角皆清供詩味似渠能不能

水紋簾捲寶熏飄漱艷金波玉璫搖我與荷花作生日三更明

月可須邀

露華傾瀉綠盤餘萬葉香來花不如南北東西游戲去此身真  
欲夢爲魚

大暑新交溽氣蒸幽人偷得晚涼乘幔紗小隔蚊成市書葉亂  
翻螢作燈

單衾乍醒霹靂酒矮屋全明閃電窗龍公贈我還鄉夢風浪一  
舟橫大江

水漲池平浪泊衢衝泥幸免早朝趨聳肩一鷺離礎立如畫先  
生退直圖

陳肖生畫梅歌

陰陰對面凍蛟立十指捫時寒欲濕圈辦曾看鍊線抽招春只  
向枯毫入春風一吹成一花萬花頃刻花身遮惜無脩竹和香

夾爭得明燈取影斜。面分向背，神先得妙處。有時忘筆墨，興酣大叫梅花王。捲作春空白雲色。京師花窖無好枝，紮縛盡假人工。爲小盆日供豪家翫，高格誰知江路奇。肖生甘比野堂野，閉戶寫花知者寡。嚼得難充仲子糧，賣來且醉田家瓦。瓦盆招我共一杯，明月皎皎杯邊來。几頭多是橫枝落卷裏，能催蓄蕊開我家。西溪花不少，是水是山花徧遠。宛似開君畫本寬，但愁欠我扁舟小。我夢扁舟已水濱，正須料理欲歸身。明年燒燭高樓看深雪，垂垂憶故人。

十國春秋小樂府

吳

卅六英雄草間起，帳下不防東海鯉。自古興亡有如此，君不見李花風逐楊花風。前陪宮後吳宮。

南唐

宣城筆歙州硯澄心堂紙白如練梁朝文物數江南昇元條竟  
無人諳殿上傳呼新進士江頭已縮黃花水

前蜀

玉女出鹽井兔子上金牀王八作賊竟作王青城山唱甘州曲  
誰聽嘉王酒邊哭山頭石鏡磨已新今朝照汝入草人

後蜀

一棒球場呼孟入宣華苑中符瑞集轉眼興亡兩袋及朝天髻  
子宮中梳長春佳節來三呼趙主趙民天意耳莫怨世修降表  
李

南漢

內三公女侍中小南強但吹雌風森刀山挺劍樹生地獄愁無

活處一方塗炭悲蒼生羊頭二四識早成大梁布衣待爾往後  
來李煜前孟昶執挺請作降王長

楚

日思食五十雞夜思御五百姬天策府學士馳羽林隊銀槍嬉  
武安小兒降表送鄆杜功名飄一夢楚天回首啼小東望不見  
碧湘宮

吳越

龍飛鳳舞待錢來金書玉冊三樓開不肯閉門作天子又安肯  
填西湖水四世五王享祚長再生猶不忘錢唐惜哉半壁徒殘  
陽

閩

甘棠港德政碑白馬三郎來何遲九龍帳裏鳳求凰東華宮中



燕又翔珊瑚寶稅檀楠梁何曾麻屨思先王五十三年延國祚  
鼓打桃林不倒樹騎馬來騎馬去

荆南

江陵一夜滿百洲渚宮幾日西風秋有子不愁高無賴有子但  
愁萬事休帳下趨持牛酒謁五來子聽新歌發石匣文言遇龍  
歇

北漢

朝稱姪夕稱男是何天子言之慚握君不助磨兵用午日筵開  
催解糗縞衣紗帽來稱臣不須怕見赤真人

小雪後一日雪後陳伯恭同年招集并養齋同用壁間  
坡公武昌西山詩韻

渴思十斛傾家醅七十畝秫何時栽西湖有田買不得夢魂空

繞秦亭梅比鄰陳遵誇善飲玉山不倒常崔嵬天公一白逞豪  
弄醉鄉已築封侯臺麴生風味殊可戀相喚洗我胸中埃燭光  
搖搖蕩杯底杯面凸作玫瑰堆長虹倒射快一吸此意恨不江  
爲罍須與酒酣雪更亮轉似新月生牆隈尖叉頗記舊時句泥  
爪久沒當年苔詩人酒人幾輩在懷抱正合逢場開卽飲尚愁  
白髮早不飲可惜朱顏催淋漓脫帽發狂叫驚起街鼓喧如雷  
夜闌欲別不忍別且約深雪還重來江湖襍被行有日征雁暗  
激空中哀

題時帆祭酒

法式善

雪窗課讀圖

堂外雪深知幾許堂裏微聞有人語課書昔苦歷冰霜讀畫今  
愁迷處所茫茫白雲一氣包中間慘淡三間茅竹聲折處書聲  
應燈影寒邊雪影交北風忽吹雪花入母衣濕又兒書濕苦語

哀吟不可聞夜關併作啼烏泣兒今官貴母已徂夢中似屏聲  
聲呼新篇纔得陶詩熟時帆四五空晴太夫人即教以戲續陶詩老屋誰知孟竹枯嗟君  
欲養親難待感我天涯二親在紅粟徒求薄祿供白頭只易衰  
顏改題君圖當別君詩曰歸曰歸吾有期遙思春酒高堂上定  
及梅花深雪時

雪

一鳥影俱絕萬家寒正同雲邊徐赴暝水外迴舍空捲入征塵  
裏吹回老鬢中邊關諸將苦可有蔡州功

對月二首

清光無遠近一鏡破空飛掬水乍盈手潑寒時著衣關山殊自  
闊砧杵未應稀惆悵刀頭約良人只夢歸

江漢兵方駐旌旗影互翻照來紛戰骨挂處幾空村慘慘迴飛

隼蒼蒼起嘯猿書生添髮彩望遠立黃昏

有正味齋詩集卷十一

有正味齋詩集卷十二目錄

錢塘 吳錫麒 聖徵

歸帆集

乞養將歸留別都中知好四首

三月十五夜張家灣對月作

舟次楊村程也園吏部振甲亦以請假南還追余及之

與訂聯舟之約卽贈二首

西施乳十六韻邀胡城東唐同作

立夏前一日將游泰山自德州登車作

宿晏城

望華不注

張夏遇鮑雅堂戶部之鍾約同岱游

泰安道中望岱

自一天門至紅門坊

尋隱真洞遂達櫻桃園

桃花澗

從高老橋三里抵水簾洞

過歇馬嶺小憩壺天閣

度步天橋上二天門

虎埠石望獼來山

快活三尋小龍峪弄月巖諸勝

御帳坪

五大夫松

朝陽洞

對松山望雨厓松樹作歌

由新盤口經石壁峪遂上十八盤

登南天門

自鎖雲巖抵蓮花峰下作

泰山二首

出東神門遇大風過摩雲嶺

下獨足盤觀循城至鳳凰嶺

游天空山訪黃華洞

夕投碧霞宮宿

岱頂對月同雅堂作

夜起觀月復成二首

日觀峯觀日出歌

由浴日亭上太平頂觀無字碑

東嶽廟唐摩崖碑

望吳峰

滌慮溪

下南山門還至快活三作三首

訪王母泉因至呂公洞

岱廟六十韻

任城舟夜讀蔣伯生因培烏目山房詩題贈二首

題錢竹西屬清孝廉獨立蒼茫圖

黃河阻淺舟泊楊家莊者匝月以詩破悶六首

渡河二首

同郭虛齋均令弟厚庵楚蔣思退知讓家山尊游禪智



寺

舟至鎮江王夢樓師鮑雅堂戶部約爲焦山之游  
明日自京口驛放船至焦山

文殊閣

定慧寺訪僧庵上人

清坦

茶話

焦山翫月歌

三詔洞拜焦隱君像

別峯庵

登吸江亭

觀音巖次石壁上宋人趙冰壺韻

舟次戚墅

立秋日過姑蘇

寶帶橋晚泊

有正味齋詩集卷十二

錢塘 吳錫麒 聖徵

歸帆集

乞養將歸留別都中知好四首

春風吹草綠此別黯難禁  
十日故人酒萬端游子心  
宦途爭短夢鄉語助長吟  
珍重枯桐在平時有賞音

日日看星斗高堂念久違  
關山殊莽鹵煙水得因依  
前度原非計今番始是歸  
臨歧還忍淚怕沈寄來衣

弟妹多貧賤妻孥劇苦辛  
徒教成薄宦何計慰衰親  
鷗鷺盟非急蒹鱗話豈真好  
因腰脚健負米及茲辰

折柳勞相送誅茅冀可安  
聽言增鄭重卽事想艱難  
高義真如古東風不覺寒  
歸先報知已長幼喜團圓

三月十五夜張家灣對月作

悄然明月來尋人知我已  
是江湖身飄蕭照出破帆影  
窈窕入垂楊春垂楊何日曾  
相識說與蟾蜍自能憶兩度  
清潭此泊船伴人歸去今難  
得東風搖搖水有紋水光蕩  
月如蕩雲此時此景天所借  
我與鷗鷺須平分三更月轉  
青蘆密好景生防眼前失停  
船手剪燭花吟聽得波心大  
魚出鮫珠恍惚相吐吞空明  
激射蘆之根雙流蘆白馳莫  
定星斗亂落琉璃盆舊時白  
月今還白今日歸人舊時客  
荷葉行邀水面秋桂花記臥  
山中夕征篷容易換漁篷明  
月隨人千里同瓦瓶酒綠不  
獨酌夜夜招之一笛風

舟次楊村程也園吏部

振甲

亦以請假南還追余及之

與阿聯舟之約卽贈二首

有約歸帆放明朝下衛河夜燈重誦雨春水正生波空濶宜鷗  
鷺平安問薜蘿征衫塵已洗添上酒痕多

山水相逢易光陰欲挽難人情羞短髮棋局讓長安幹濟君方  
健飛騰我願看此行聊假息莫便穩漁餐

西施乳十六韻邀胡城東

唐同作

頗訝豚蒸乳翻憐姓冒施饞涎拚一箸密網費千絲白紵歌殘  
後金詞褪出時吳趨應熟我唐突定愁伊荻笋調漁釜楊花潑  
酒廳得看錢總值欲食指偏知宛有雙峰起寧輸七尺垂漣流  
珠蓓蕾菽發玉葳蕤殼比鷺初蛻綿同雀乍披捧心連宛轉嘗  
瞻判羞池的的柔無骨溶溶滑勝肌效擘羞懶婦惜命斷嬌兒  
視北懷前詠德王固同說正堂一生某施獨與給諫寶名齋  
食以施乳正堂先有五古一章余次其韻江南有後期芋蘿  
千古夢烟水五湖炊饗餐逢偏晚勾留去爲遲尚煩徵食譜纖

舌動相思

立夏前一日將游泰山自德州登車作

春盡不自覺悄然淒客魂寫憂賴奇游矯首靈嶽尊蓬蓬風在  
頂落落雲出門發軔首鬪氏遵途次平原雞犬各在野茅茨略  
成村習常耳目慣領異神明存廓廓小齊舊青入胸中蟠虛空  
接真氣冥渺窮元根豈無飛車度何假尻輪奔津梁孰忘疲證  
此獨往言

宿吳城

匹馬尋吾宿歸鴉送此程月光低近市人影瘦穿城高蓋羞童  
僕窮途仗友生朝朝聽鈴鐸惆悵執鞭情

望華不注

羣山莽無次遠近同相招倉然落馬首超忽明卑椒陰陽煉石

色紫翠鬱不消石石互向背架立勢各驕盤旋上雲去雲光爲  
蕩搖碎作青蓮花秀萼承丹霄其下流泉注取飲豐一瓢三周  
惜倉卒數仞迷岩堯薜蘿倘有待願逐樵夫樵

張夏遇鮑雅堂戶部

之體約同俗游

一筇已判獨游身覲面方知作合神荒店數椽脩遇禮名山千  
里待詩人奚奴逐伴心先喜村酒催沽話更親好躡丹梯三萬  
級去憑猿鶴證前因

泰安道中望岱

翹企氣象尊卽之若無朕石色搖魂魂到天猶未盡真形奠大  
荒奇響激虛牝情隨去鳥馳目受來雲引直上訝捫星通中狀  
蟠蚓漸見山面迎陡覺風力緊頗聞天門高樓閣耀丹巖寒姿  
羅柏枯靈約富芝菌仙真所往來縹緲駕鸞軫明當從之游高

寒我能忍

自一天門至紅門坊

塵境倏已隔矯首思摩天透此青一重衣袂搖翩翩苔光掠面上雲氣臥道邊關無虎豹守梯許猿猱緣凌虛足方躡眺迴目屢延奇石落寒影倒捲成飛煙人從烟際度霽自石竅穿中階接縹緲樓閣相鈞連便疑之帝所咫尺紅霞鮮

尋隱真洞遂達櫻桃園

呀然林扉開紛若羣真會靈氣鬱芝房清風嫋蘿帶笙鐘合一響鸞鶴闕萬籟其下翳疎篁其上覆古檜泠泠滴香乳泱泱通翠瀨還問櫻桃園仄徑穿蔚蒼花過留餘寒葉長潤鮮靄黃鳥時來鳴子已赤珠大

桃花澗



松竹之所交一澗漱其內白雪隱人家了無雞犬吠何必桃花  
開流水正堪愛

從高老橋三里抵水簾洞

幽響不能已流泉若導人長虹亘百尺遠勢通天闔俯瞰逼虛  
空慘慘淒我神雲石踐破碎履爲生嶙峋縱橫蹙波濤不受荆  
關紱北繞石經峪冥誦真言真山花開正繁中蘊太古春亭午  
側羲軸餘寒束巖紳想當滌潦時懸溜傾如銀飛騰草木怒偃  
伏蛟龍馴聊茲一瓢試因風滌頰襟

過歇馬嶺小憇壺天閣

東西轟崢嶸羣峰拱而從開闢始何年青裂天一縫中間夾溪  
流冷若白雲擁龍形轉更蟠馬力絀莫縱逡巡高閣登清談洽  
茗供悅道寧敢畫懷新已爭負松尋前代看栢賞近時種

近康茂園

落伯補種栢  
樹二萬餘株  
籃輿易頽肩衣濕嵐翠重

度步天橋上三天門

十折復五折路曲翠屢迷寥寥人罕逢蕩蕩天爲低耳目逼象  
緯衣裳拂虹霓直上騁飈路旁尋隱樵蹊神鬼所剗削陰陽莫  
端倪荒怪愁虎出陰寒失禽啼空中俯見影絕處陡置梯松高  
但藏雲石滑不戴泥客如戒陟險此足安容稽

虎埠石望獼來山

齒齒莫敢捫眈眈儼相視伏草良自韜沒羽定誰俟偉茲萬象  
該隱若方寸起呼號挾風雷顧盼渺雲水俄然蒼翠來迎面一  
峰峙作勢欲爭雄強顏終有此當其初覲時兀傲頗自喜虛空  
倏受壓俯就元氣裹峻極定一尊浩乎閱太始卽看衆山小土  
上猶未已

快活三尋小龍峪弄月巖諸勝

僕夫既已疲歷險稍得夷縈紆盡三里坦坦心顏怡白虹互翠  
蕪蒼鱗作之而松氣不到地寒若空水吹流泉相激薄珠又龍  
鬚垂其前一鏡圓誰共弄月嬉深壑含窈窕崇林隱嶽巖巖巖  
行復回嚶冥不可知雲梯仰萬丈鳥路盤一絲

御帳坪

聞道登封禮數尊周環御帳羽林屯天聲一路風雲接龍氣千  
秋草木蟠避仗尚教驚鳥散尋碑屢欲就苔捫翠華不返林扉  
閉孤負山靈屢望恩

五大夫松

倏驚風雨至絕壑有濤奔龍作當年祖松留後代孫漫嫌秦爵  
辱并少漢芝蟠借取青蒼在千秋溯本根

朝陽洞

天風吸有聲空洞開石腹中深含古春面側受始旭透此一線  
紅照破萬苔綠倒影窺猿猱飛光閃蝙蝠欲尋羽人居誰抱白  
雲宿嵌空孤樹生闐然如出屋我窺不敢久霞彩紛眩目摩崖  
倘有字兩手捫欲讀

對松山望兩崖松樹作歌

霓旌羽葆紛相從蜿蜒夾道如飛龍千株萬株不計數只放天  
光青一路東頭日出照西頭影落虛空我欲浮開雲闔霧能通  
氣并入長風亂濤沸野鼠跳走山精逃蒼髯一奮摩天高中間  
老松力更大直欲根穿兩崖破石兼松格瘦逾奇松得石腴老  
不知時見松花飛還聞松子落禮斗臺前暗度鐘鎖雲巖口新  
歸鶴林深無人樵唱長朝朝手掇絲苓香雷威之材不可量何

口絃之貢玉堂哀音絕壑叫鳳皇四顧但覺天蒼茫松最青處  
日已黃

由新盤口經石壁峪遂上十八盤

一綫空中盤裊裊不能已仰窺  
六接天倒覷洞無底苔光混始  
青樹色浮太紫陰森立四壁峯  
峯出萬齒中畫重累人外垂二  
分趾頂踵互相摩形骸失所恃  
細攀升木狻梯引旋磨蝨屢休  
彌瞽神積步漸移晷孤懷良不  
窮萬事會有止鸞鶴群仙迎笙  
鏞虛壑起凌霄意在茲雲氣踏  
如水

登南天門

玲瓏闢閭闔咫尺通天墀回頭視下界煙霧何紛披松聲與泉  
聲細作笙管吹衆峯互奔赴白雲離合之隱見蓬萊樹倒挂扶  
桑曦長風蕩海色綠我鬚與眉神仙有丹藥未許秦皇知可憐

童男女飄泊無歸期徒望金銀臺巖壑相蔽虧安期已千載事  
往何由追頗聞西王母蕭颯生霜姿春鳥空自來桃花開何時  
凌空發長歎頃刻雷車馳雨脚注東南龍氣濛濛垂贊此造化  
力專賴神靈司四海沐和甘吾何慕紫芝

自鎖雲巖抵蓮花峰下作

我從山脚來處處受雲裹行行陟峰頂預想雲上坐雲頭忽自  
空中墮軟碧難禁大風簸迷漫散滿山谷中倒捲衣裳欲飄我  
洞門何時開哈呀口先咳隨勢吸雲雲入夥腹裏氤氳出不能  
攔門一片藤蘿鎖其餘飛西復東引蔓牽絲態婀娜徐收殘  
影過前峰結就青蓮花一朵道人留我坐花邊細煮清泉拾松  
叩仰首靈霄蕩蕩空素威在右青瑤左

泰山二首

背齊襟鬢麤屏顏未了青收元氣間雲出爭爲天下雨日晴低  
見海中山丹梯宛轉樵蹤躡鐵索鈎連鳥道攀松吹泉聲堪仿  
彿蓬萊鞞鶴有人還

風雷絕頂駭蒼茫香案何年侍玉皇人影半空移樹白天門一  
綫挂河黃甘心束筍卑身嶧好事剝苔侈漢唐如練最關歸客  
意側身東望已吳閫

出東神門過大風過摩雲嶺

前峰未窮躋後嶺已奔赴一片摩雲心挂向雲外樹出門迷所  
往風急亂煙霧沙石走虛聲草木騁餘怒輿夫語相警笠子手  
頻護松濤條過耳松子吹滿路飈回澗更鳴色定神尚怖衣裳  
漸覺單積雪樹根沍

下獨足盤觀筍城至鳳皇嶺

下下梯轉陡縹緲將何之行行拾危級獨足愁不支壓頂石欲  
落趁目峰自奇嵐迴曦景泣苔合雲光滋翡翠含鮮新琅玕疊  
參差空色亦成綠冥寒欲生漪更轉更幽曠灑然松風吹清泉  
激孤竅健翮排長逵竹實幸長成無憂鳳皇飢

游天空山訪黃華洞

偃松如有情幽語我能聽風枝歛生濤翠落不得定斜陽愁獨  
立撥草轉危磴深山闕餘春花折寒乍醒高閣盡玲瓏欲上訝  
無徑旁瞰仙洞深登真業先證金丹竈罷燒玉液泉失孕徒快  
游蹤攀終少道心勝藤羅隔諸天冥冥發金磬

夕投碧霞官宿

豈不暢游心亦復倦行脚暝色暗諸峰雲氣香一壑松杉所掩  
映殿宇互參錯遙望神燈投言踐道士約香火信有緣寢食欣



可託林風送疎絃石溜延素酌巡檐起徘徊華月已升閣明當  
尋紫芝夢且伴黃鶴

岱頂對月同雅堂作

不知天已近只覺月尤寒松影踏如水壑聲吹欲瀾一尊今夕  
共下界幾人看想像吳門練憑欄放眼寬

夜起觀月復成二首

萬壑清寒動薜蘿夫門咫尺挂銀河羣仙午夜朝真去一陣松  
風頭上過

煙中九點望難分天語安能下界聞七十二君遺跡在照來寒  
草白紛紛

日觀峯觀日出歌

天雞喚我凌岩堯金鴉咫尺不可招大風吹寒似吹水九點但

見烟搖搖東雲忽挾西雲走眼底飛光蕩摩久萬象翻還混沌  
初一氣洪濛失星斗雷聲隱隱地軸開十層高築通霞臺羲和  
鍊魄燭龍躡三躍乃出扶桑來金支翠蕤紛絡繹撐上珊瑚三  
百尺四圍漸放天宇青一綫微縈海波白羣陰解駁爭須臾一  
丸端正升紅珠環瀛島嶼時隱見下方昏夢猶模糊我只有  
中峰樹捲上虹霓翻石碎平視三山到不能千年壓折鼈魚背  
七十二君安在哉登封遺跡迷蒿萊徒看暘谷朝暎出誰悟桑  
榆夕照催我攜一杯酒直上凌玉京揮戈且止駿鳥行興酣耳  
熱歌此曲回首大笑天公驚鸞吟鶴唳那可數隨風散作玻璃  
聲

由浴日亭上太平頂觀無字碑

初日一規出炤爛亭之東清寒送衣袂來謁天帝宮棟牖生虛

雲羽葆揚靈風其墀納岱而突兀方寸申元氣所呼吸萬古青  
濛濛遂造登封臺事往苔跡空諛詞羞下士瑞應誣蒼穹何如  
無字碑不紀功德崇山鳥啼左右林花映春紅三日恣坐臥誰  
解摹一通

東嶽廟唐摩崖碑

怒猊渴驥識此形蘇齋昔者開滕局

余曾于嶽廟漢先  
生齋中見其拓本

一千字蠹光

熒熒動搖嶽氣浮窻櫺天風倏吹舊夢醒翩然而來歸步停隣  
响日觀生紅萍大書照耀百丈屏云開元載四海寧爲民祈福  
虔致馨惟天惟祖昭格靈將步後患求前型樵蒸焜上神降耕  
鉤韶鏗發帝所聆雲物告美風清洽禮成紀德臣說銘此禪云  
云禪亭亭御書深刻傳東溟是時褒頌良可聽金鏡那復思九  
齡侈心一萌天寶丁穀飛爲蠹迷朝廷官中王母醉綠醅殿上

高臥猶龍腥霓裳曲未罷小伶漁陽擊鼓催如雲青驢安得攜  
娉婷梨花夢雨驚淋鈴秦松漢栢隔杳冥金繩玉檢樓流螢十  
年蜀道嗟飄零九點遠失齊州青歸來南內同拘囹求治可不  
先家庭我請百本書孝經我請一頌思鵲鴿

望吳峰

茫茫認吳會杳杳隔斜暉一抹烟如練微看白鳥飛

滌慮溪

抱琴人不到悵望碧雲端于此彈秋思能令夕照寒

下南山門還至快活三作三首

上山船逆風下山泉決竇輿夫騁疾足得勢爭一溜獵獵生風  
雷草草竄鼯鼯旁睨目若馳注視神失守寸步偶勿防葉落不  
可救危青慘松杉險翠眩巖岫餘寒尚在衣汗已洽之透

諸天倏在上鐘磬接杳冥四山來微風吹動藥草馨白雲自頂  
落赴此一綫青一重復一掩遮列如畫屏遠眺汝與河細流渺  
迴汀耳目快新獲若忘向所經往來迭相餉何以酬山靈  
出險已有時涉境無不宜栢風吹十里翠活胸中詩磴道漸豁  
達樓閣增參差傲來展頭角覲面復在茲泉聲醒我夢鳥語慰  
我疲回視所來徑雲石皆倒垂森森以蔚蔚翻林去者危往蹊  
積餘警來情酬素怡坦途儼相待縣晷曾未移茗飲且須淪呼  
童拾樵枝

訪王母泉因至呂公洞

靈旗翻窈窕照眼斜陽殷泓然一支碧瀉自石竅閒雲香留活  
活苔碧侵斑斑時激寒吹聲環珮鳴幽潺神仙好遊戲御氣周  
人寰頗惜呂公跡題詩沒榛菅捫蘿躡餘踐越澗窮幽攀松子

落滿地道人門不關淒真留莫久時恐蒼虬還

岱廟六十韻

帝出方居首天齊秩表崇巖巖瞻廟貌蕩蕩仰神功一脈回長  
白千秋莫大東禮叨羣后異封視上公同往跡追軒轅真形歷  
華嵩遙恭門乍闢清蹕路先通刻雉裁隅壯重樓結棟隆寶階  
平帖妥繡瓦密玲瓏珠璧周遭映鸞鳳直上獅地開金碧界人  
指太霞宮黃屋尊南面青圭贊上穹冕旒垂若露葆羽肅生風  
游奕環諸將清真侍小童蠅蝸靈宇邃洋溢德符充往昔登封  
後流傳畫壁雄衣冠拂官柳旌旆出宸楓夾道欣飛隊前驅宛  
轉弓揮鞭馳列缺引轡走河馮鯨吼鐘傳警鼙鳴鼓素逢從官  
盡良弼帝子自重瞳拒鬯陳殷薦樵蒸候台形凌虛叫閭闔俯  
首陋崆峒

昭代巡尤屢

今皇道愈冲展儀懷抑抑飛藻吐熊熊萬物皆含澤羣倫藉發  
矇何曾矜瑞應只是

念鰥恫運量周遐邇精誠徹始終金錢

頰內帑土木酌人工晴見翔陽拱陰添積霽籠登臨殊空澗眺  
覽極崿崿樹障排巖戶泉紳拱石拱風疑生頂上雲尚滯封中  
敢詡游能熟彌探境莫窮引人渾入勝卽事感奔深降閣盤鵬  
鶚巡廊轉蜡蝨烟霾迷粉墨鬼物慘青紅變相紛如蜃游魂聚  
似螭象愁占貫索勢駭挾靈霞建伯專司寘分都儼豔艷蟲沙  
嗟若輩鼎鑊豈天公蠢蠢情何苦森森膽易忱陰陽千古鏡蟻  
蝨小臣衷爲有梟呼煩真成莽伏戎羽書前度急融賊至今訂  
吉語誇三捷凶徒耐五攻瘡痍已荆楚轉徙及嶠嶂蠻觸爭寧

患機槍埽台空那無洗兵雨遂散飲城虹震海塵俱靜蒼生福  
早蒙無災無疾癘起曠起頑孽得賴彌縫密因承享祀豐康娛  
訓此願婚嫁畢吾躬短笠重遮竹寬鞋更策椽碑年問猴鼠苦  
字辨魚蟲環詠亭徐訪題名石細碧飽伊煙九點拌我髮雙蓬  
衣待雲移白鉦留日挂銅但隨猿趨捷不學鶴氄毳後約期孤  
杖前程又短篷回頭青未了眼底散濛濛

任城舟夜讀蔣伯生

因培

烏目山房詩題贈二首

風波愁旅客無復奏清琴一卷開今夕千秋賞此心雲停親舍  
近花落堦鄉深正憶燒燈處寒蘿颯颯吟  
直欲千杯酒因君駐畫幃任城一夜笛風雨送瀟瀟亦有江南  
夢相隨紅板橋爲傳詩句去明月唱歸樵

題錢竹西孝廉

履清

獨立蒼茫圖



一段蒼茫想象間，隔林歷歷鳥飛還。此中何處尋千古，斜照忽然明四山。別有孤懷難得耦，只除吟思不能閒。故園歸去如相問，杜老江關髮已斑。

黃河阻淺舟泊楊家莊者匝月以詩破悶六首

一石水積六斗泥，獨漉獨漉橫齧隄。游子天涯行不得，黃河東去鷓鴣啼。

千里孤雲縱目餘，一封難得故人書。加餐已自能珍重，日日船頭斫鯉魚。

十千難買獲頭春，長日如年卯又申。閒著長檣鐵鹿子，觀河愁殺白頭人。

好風催送客還家，河伯偏慳水一拏。河工量水以一拏尺半爲一筆打鼓發船驚夢

醒草泥渾處，叫蝦蟆。

老柳傲傲風不休  
神祠賽罷夕陽收  
雲光水氣蕩搖久  
仰看魚龍在上頭

青蘆掀葉忽鳴雨  
白鳥刷毛爭曬晴  
笑我亦如桑下宿  
最無聊處已情生

渡河二首

排空濁浪混東西  
氣捲魚龍雜沓迷  
使者秋風防瓠子  
幾人海口問雲梯  
憂心買讓籌三策  
努力王尊障一隄  
擬向真源覓消息  
銀河搖蕩挂天低

馮夷窟宅動風雲  
隱控江淮遠勢分  
逆水傳來魚大上  
復陂除却鵠誰云  
芻蕘辛苦疲民力  
蘆葦酸寒落雁羣  
此患東南憂不

細

九重前席正殷勤

同郭虛齋均令弟厚菴堃蔣思退知讓家山尊兼游禪

智寺

一笑拈花問世尊，千年古事可堪論。山光但照墓田冷，竹意不知歌吹繁。曾載酒過禽熟，誠漸催秋至雨飛。翻苦瓜僧後，丹青歇空向泥邊憶爪痕。余嘗題山清僧竹西歌吹堂卷此地。即竹西也。苦瓜和向石壽自號。

舟至鎮江王夢樓帥鮑雅堂戶部約爲焦山之游

一尊京口酒三尺，伯牙琴落日海門近。舊情江水深，相邀刺船去。同抱住山心，千載焦夫子瓜廬約可尋。

明日自京口驛放船至焦山

蒙頭挂烟蘿，插脚立江水。置之琉璃盆，蒼然一螺耳。長風日壽浩秀色，吹不起我挾探勝情。廿載鬱于此，帆光醒昨夢。眼豁青五里，遙存金碧想。漸露深竹裏，結廬懷隱君。迎門識衲子，林蟬

靜無噪涼翠秋欲始快隨坡公游山靈亦歡喜

文殊閣

高閣俯江曲凭之涼滿衣雲光無鳥入竹影見僧歸作禮文殊  
在投龕彌勒依諸天只頭上彈指落斜暉

定慧寺訪借庵上人

清坦茶話

冷淡家風見阿師蒲團話久樹陰移不離文字猶吾輩如此江  
山要住持鎮寺但慚留玉帶談禪還待捉松枝便須證取茶三  
昧可是香清味醞時

焦山翫月歌

西風吹雲展微波海色欲上連銀河娟娟片月揭空綠有如半  
鏡新揩磨水晶庵裏鐘聲出不動龕燈光黑溦眼底流輝逼暗  
螢滿山涼竹生蕭瑟危巢老鷓棲不能攬身叫起巖前僧下來

投足似無路苔梯亂踏冰層層此時江頭潮已長瞬息空明馳  
萬丈中有龍魚互吐吞倒入青天天亦響何來賈舶沙洲行凌  
風但見孤帆橫不知客夢落何處一程送過南徐更迢迢惜今  
夕上上不可攀傳聞仙真來往于此山我不見之愁心顏夏然  
清嘯聲吹落烟霄間千年陸鶴魂魄在縞衣羽袂疑來還上皇  
樵華陽子自古何人能不死我有松花酒滿尊一醉能令換毛  
髓此身杳靄翠微中此夢蒼茫玉壺裏

三詔洞拜焦隱君像

哈呀關巖腹蘿帶垂翩翩中有隱士雲常抱白石眠亮彼出世  
蹤詎爲外物遷鶴書謝紫闥此姿媚神淵此廬黃犢重此姓青  
山傳機祥慨惑溺夢寐誣高賢欲知千載後當思千載前無言  
心可證江月與江煙

別峯菴

江光弄淒異，泣然竹柏中。但覺空翠合，不受朝陽紅。竦石怵棧路，危巢駭禪宮。援蘿赴冥踐，樵語生半空。蟻盤千級拾，蛇折一徑通。豁達展江面，波濶天始風。茗椀靠松喫，吹落花濛濛。涼回山易秋，莎際聞吟蟲。情遷往有會，思積來無窮。滄海浩胸底，從之東峰東。

登吸江亭

證此獨往言，意極飛鳥外。江流莽奔赴，孤峙一亭大。岷山所來脈，萬里元氣會。風定閃餘明，雲流挾虛籟。樓臺下方日，午靜鐘貝北。固嶺嵯峨南，徐樹菴藹藹。流觀六朝跡，荒冷闕遺蛻。乘時秣陵潮，過耳石頭瀨。海色來何方，吹綠上衣帶。頗冀從期，卽卽茲謝塵壻，冥冥歸徑，循林香鎖松楸。

觀音巖次石壁上宋人趙水壺韻

清涼庇我暑安存巖戶陰陰白晝昏雲走樹梢和葉墮日翻江  
底受潮吞振衣客上凌飛鷲打飯僧歸起老猿萬籟生山風滿  
耳不知何處證聞根

舟次戚墅

幾處人家落酒旗移船來泊夕陽時斷雲無力歸何暮古樹空  
心老自知田舍生涯謀芋栗高人畫本寫茅茨頭銜我欲煙波  
借閒逐漁兒踏浪嬉

立秋日過姑蘇

不信吳門路來逢一葉飛山川感游子舟楫倦斜暉瑤瑟待誰  
汎美人今久違遙聞採蓮唱風露莫忘歸

寶帶橋晚泊

長虹影裏吟停篙萬頃琉璃蹙浪高漁父浩歌天欲暮太湖盡  
醉客猶豪草根月入留蟲語樹杪風行起鷺濤如此秋光消受  
好未應旅鬢感刁騷